

Kiwanis Club of Aruba a instala tres miembro



Durante e reunion semanal general di Kiwanis Club of Aruba, e presidente Marjory Clark, a introduci oficialmente; Yelitza Domacasse-Helmeyer, Richie Kock y Taryn Caralps-Faro como e tres miembronan mas nobo di e club.

E persona cu tabatin e tarea pa dirigi e discurso pa e instalacion di e miembronan nobo tabata Bob Spellman, cu ta miembro di Kiwanis Club of Aruba desde 1990. Bob tabata 2 aña sigui Presidente, 1994-1995 y 1995-1996 y despues di 2 aña el a ricibi Distinguish President. Na 2009-2010 el a fungi como Lieutenant Governor y na 2010 el a haya tambe e reconocimiento di distinguish Lt Gov. Fuera di

Kiwanis Bob a ricibi Ridder in de Orde na 2012. Bob su proximo paso den Kiwanis ta, pa postula pa gobernador di nos Division 26.

Como e sponsornan di e instala-



cion como miembro tabata; Aurora Dijkhoff, John Every y Tessely Koolman, cu a pres-

encia e acto oficial momento cu Bob Spellman a pin e boton di Kiwanis, haciendo asina Yelitza, Richie y Taryn oficialmente miembro di e club. Pa Yelitza Domacasse-Helmeyer, e ta un honor di por a ricibi e boton pa forma parti di e famia di Kiwanis.

El a studia na Hulanda y a caba Master of Science in Dentistry y a regresa Aruba pa por ehersce su profesion como dentista na Helmeyer Dental Clinic N.V. Su trabou ta su pasion y e gusta siña, no solamente pa haya mas conocimiento den su profesion, sino tambe riba tur otro tereno. Desde chikito e tabata

gusta yuda den un forma of otro y su debilidad ta mucha y e ta siña hopi di nan tur dia. Esaki ta e motibo pa drenta Kiwanis Club of Aruba y pa aplica e conocimiento y ayudo na esnan cu tin mester.

Durante su añanan como estudiante na Colegio Arubano, mr. Richie Kock, tabata un miembro activo di Key Club. Locual el a siña como hoben, formando parti di Kiwanis, a keda como un base importante durante su añanan di estudio. Richie a sigui su estudio na Hulanda y el a traha tanto na Hulanda, St. Maarten y desde 2014 e ta bek na Aruba. Mr. Richie Kock ta un especialista di impuesto y abogado civil cu su



oficina Richie Kock Advocaten. El a señala cu e ta hopi contento cu awor e ta bek na su isla y cu e por dedica su tempo como boluntario na bienestar di e comunidad. E ta un honor pa Taryn Caralps-Faro pa carga e pin di Kiwanis Club of Aruba. E ta considera su mes un persona cu a wordo hopi bendiciona den su bida cuminsando cu su dos yiunan. Mirando cu Kiwanis Club of Aruba nan enfoka ta mucha, no tabata dificil pa Taryn dicidi pa join e club. Eherciendo su trabou como Assistant Floor Manager na Do It Center Aruba, el a conoce hopi hende cu diferente dificultad den bida. Esaki a lanta den dje e necesidad pa yuda y duna

bek na su comunidad, specialmente na nos muchanan. Durante e anochi di instalacion tabata tin como orador invita Pascale Bruinen, cu a traha como fiscal na Maastricht, Hulanda te cu 2015 y for di januari e aña aki a cambia di carera y awor ta orador y escritor. Kiwanis Club of Aruba ta un club cu su miembronan ta hopi dedica y activo, trahando primordialmente na bienestar di nos muchanan y otro proyecto na beneficio di nos comunidad. Su prome actividad ta dia 20 di maart, cu ta e Fundraising Golf Tournament na Divi Links, unda cu parti di e fondo recauda ta destina pa e Fundacion Zinnia. □

